

Ilinniartut ineqarfiani ileqqoreqqusat malittarisassallu

1. Ilinniartumut ineqarfik attartortinneqassaaq Ilinniartut ineqarfii pillugit Namminersornerullutik Oqartussat nalunaarutaanni nr. 18, 1. november 2007-imeersumi (ilinniartut ineqarfii pillugit nalunaarut) malittarisassat naapertorlugit. Ilinniartut ineqarfii pillugit nalunaarummi malittarisassat, isumaqatigiissut manna aqqutigalugu malittarisassiuunneqanngitsunut tapertaapput.

2. Isumaqatigiissummut matumunnga ilinniartunut najugaqarfimmi malittarisassat qaqugukkulluunniit atuuttut tapertaapput.

*Isumaqatigiissummi illuatungeriit isumaqatigiissutillu piffissaq atuuffia*

3. Attartornissamik isumaqatigiissuteqartuupput KAF aamma inuk, isumaqatigiissummi matumani attartortutut allassimasoq.

- Imm. 2. Attartoq ilinniakkami ilinniarnerninik ingerlatsisuusaaq imaluunniit ilinniakkami ilinniagaqarnersiuteqarfiusinnaatitaasumi ilinniartussatut akuerisaassalluni.

- Imm. 3. Aammattaaq attartorneqartumi najugaqarsinnaapput attartortup qitornai aappaalu imaluunniit inooqatigisaa, tamanna KAF-imit akuersissutigineqarsimappat. Qitornarisat 18-it qaangerlugit ukiullit ilagineqarsinnaanngillat.

4. Attartorneq ilinniartup ilinniagaqarnera tamaat atuuppoq, atorunnaassallunilu attartortup ilinniarnini imaluunniit ilinniarfimiinnini naammassippagu, taammaattoq tak. § 16. Qinnuteqartoqareerneratigut immikkullu ittumik pisoqartillugu attartorneq sivitsorneqarsinnaavoq, annerpaamik qaammatinik sisamanik. Sivitsuineq pisinnaavoq ilinniartut ineqarfii pillugit nalunaarummi § 3, imm. 2 naapertorlugi.

*Ineqarnermut akiliutissat aamma paasisutissiisussaataaneq*

5. Ineqarnermut akiliut KAF-ip Grønlandsbanken A/S-imi kontoanut akilerneqartassaaq, uunga: Konto: 6471-1023850.

Akiliinermi attartortup inuttut normua "KAF"-imik malitseqartillugu allanneqartassaaq.

6. Ineqarnermut akiliut siumoortumik akilerneqartassaaq, qaammatillu aallaqqaataat tamaasa akiligassaalluni. Kingusinnerpaamik akiliiffissaq tassaavoq ullup akiliiffissap kingornagut ulluinnaat pingajuat. Ulloq taanna arfininngorneruppat imaluunniit Inuiattut Ullorsiornerup ullorippagu, ulluinnaq tulliuttoq piffissamik eqquinerusaaq.

7. Piffissaq eqqorlugu ineqarnermut akiliut akilerneqanngippat, attartorneq – allakkatigut tamanna pillugu piomasaaqateqareernerup kingorna – KAF-imit atorunnaarsinneqarsinnaavoq, erniinnaq inigisamik qimatsinissaq piomasarineqarluni.

8. Attartortup akisussaaffigivaa, attartukkami inuit 18-it qaangerlugit ukiullit amerlassutsimikkut allanguutaasa KAF-imut nalunaarutiginnissaat. Tamanna aamma atuuppoq attartortup aappaataluunniit qitornaasa 18-inik ukioqalerneranni.

- Imm. 2. Piomasaaqatigineqarneratigut attartortup, inuit ilinniartunut ineqarfimmi najugaqartutut, inuit aqqisa nalunaarsorsimaffianni allaqqasut amerlassusaannut uppernarsaat takutissavaa.

- Imm. 3. Attartortup ilinniartutut najugaqarfimmini najugaqartut 18-it sinnerlugit ukiullit tamarmik ineqarnermut akiliinissaat akisussaaffigaa.
- Imm. 4. Najugaqataasut ilinniartut ineqarfiannit nuuppata, attartortup ineqarnermut akiliutissat tamaasa akisussaaffigissavai, najugaqataasup nuunnera pillugu KAF-ip nalunaarutisinissaata tungaanut.

*Ilinniartut inaata atornera tamatumani killiliussat*

9. Ilinniartut inaata KAF akuersiteqqaarnagu attartortumit, attartortup qitornaanit aamma attartortup najugaqatigalugu aappaanit taassumalu qitornaanit ineqarfittut atornerarnermi saniatigut allatut atornerqassanngilaq.

- Imm. 2. Ilinniartuq ilinniartutut inigisamini attartortunik najugaqartitsissanngilaq.
- Imm. 3. Ilinniartut inaata allanut tunniunneqassanngilaq.
- Imm. 4. Ilinniartut inaata attartortinneqassanngilaq.

10. KAF attartortumik ilinniartut inaannut allanut innersuussisinnatitaavoq, assersuutigalugu annertuunik aaqissuussisoqarnissaanut atatillugu imaluunniit ilinniartut ineqarfianni najugaqartut amerlassusaat allanngorpat.

11. Attartortuq illoqarfiup ilinniarfigisami avataani minnerpaamik qaammatini marlunni sungiusarluni suligallassaguni ilinniarfimiikkallassaguniluunniit, attartortup inigisami peqannginnermini KAF-imut atugassanngortitsinissamut pisussaaffeqarpoq.

- Imm. 2. Attartortuq inigisamini KAF-imut atugassanngortitsisoq, peqannginnermini ineqarnermut akiliuteqassanngilaq.

12. KAF akuersiseqqartinnagu aallaasinik ilinniartut inaanniititaqarnissaq inerteqqutaavoq.

13. Ilinniartut inaanni uumasuuteqarnissaq inerteqqutaavoq.

*Attartornermik atorunnaarsitsineq, unitsitsineq aamma ineqaqqusaajunnaarneq*

14. Attartorneq atorunnaarsissinnaavat sivikinnerpaamik qaammat ataaseq sioqqullugu qaammatip naanissaanut allakkatigut ilimasaarereernernikkut, attartorneq pillugu isumaqatigiisummi sivikinnerusumik piffissaliussilluni ilimasaarisoqarnissaanik allassimasoqanngippat.

- Imm. 2. Attartortup attartugaq ineqarnermullu akiliutit akilernissaat, attartornermik ilimasaarutip naanissaata tungaanut akisussaaffigai.

15. Attartorneq allamik nalunaaruteqaaqqaarani, attartornermik atorunnaarsitsisoqarsimagaluarpalluunniit, tak. § 15, taamaatissaq attartugarlu qimanneqariissalluni, ilinniarnep naammassineraniit taamatinneraniilluunniit kingusinnerpaamik ullut qulit qaangiunneranni.

16. Ilinniartut ineqarfii pillugit nalunaarummi §§ 38-43-mi aalajangersakkat naapertorlugit attartorneq KAF-imit atorunnaarsinnaavoq unitsinneqarluniluunniit.

17. KAF attartornermik atorunnaarsitsinermut unitsitsinermulluunniit atatillugu, tak. § 17, ilinniartut

ineqarfianni najugaqartumik, ilinniartut ineqarfianni ineqaqqusiunnaarsinnaavoq, piffissamit KAF-imik aaqqiagiinngissutiminnik aaqqiineraniit qaammatit pingasut sinnernagit sivirususilimmik, tak. Ilinniartut ineqarfii pillugit nalunaarummi § 45.

18. Piffissami attartorfiusumi ilinniartut ineqarfianni najugallip attartukkami, piffissap attartorfiusup aallartinnerani attartukkap qanoq-inneranut naleqqiullugit, qilaat qalipallugit qaqorsarnissaat, iikkat qalipannissaat aamma/imaluunniit tapiitilersornissaat kiisalu natit lakkernissaat akisussaaffigalugulu tamatumunnga aningaasartuutit akilissavai.

19. Attartortoq malittarisassat naapertorlugit ilinniartut ineqarfianni init ataatsimoorussat eqqiarnerinut peqataanissamut pisussaaffeqarpoq.

*Taarsiinissamut akisussaaneq aamma ammaanqarnermi akiliut*

20. Attartortoq nammineq inigisamini inigisaminilu pisattanut aserorneqartunut taarsinissamut akisussaavoq, taamatullu attartortup pulaartuisalu inini ataatsimoorussani taakkualu pisataannik aserugaannut taarsiinissamut akisussaalluni.

21. Attartortoq iniminit imminut mattuttuussappat, KAF-ip kollegiani inspektøria ammaassilluni ikiuussinnaavoq 200,00 kr.-nik akiliuteqartoqarneratigut.

- Imm. 2. Matuersaat imaluunniit matuersaat korti tammarneqarpat, nutaamik tunniussisoqarsinnaavoq, 250,00 kr.-nik akiliuteqartoqarneratigut.